

**Član 16.**

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o srednjoj školi.

**Član 17.**

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-17494/11  
Datum, 01.07.2011. godine  
Zenica

**PREDSJEDAVALAČI****Miralem Galijašević, s.r.****190.**

Na osnovu člana 158. stav 2. Poslovnika Skupštine Zeničko-dobojskog kantona-Prečišćeni tekst („Službene novine Zeničko-dobojskog kantona“ broj: 12/09, 19/09 i 5/10-isp), Skupština Zeničko-dobojskog kantona, na 8. sjednici, održanoj 23.06.2011. godine, donosi:

**Autentično tumačenje**

**člana 37. stav (1) Zakona o komunalnim djelatnostima (“Službene novine Zeničko-dobojskog kantona”, broj: 17/08)**

**I**

Utvrđuje se Autentično tumačenje odredbe člana 37. stav (1) Zakona o komunalnim djelatnostima (“Službene novine Zeničko-dobojskog kantona”, broj: 17/08).

**II**

Odredba člana 37. stav (1) Zakona o komunalnim djelatnostima (“Službene novine Zeničko-dobojskog kantona”, broj: 17/08), odnosi se na stambene objekte kolektivnog stanovanja na kojima postoji etažna svojina.

Pod stambenim objektima kolektivnog stanovanja podrazumijevaju se stambene i stambeno-poslovne zgrade, kako je navedeno i u članu 37. stav (4) Zakona o komunalnim djelatnostima (“Službene novine Zeničko-dobojskog kantona”, broj:17/08). Navedenom odredbom je propisano da prilikom izgradnje novih objekata kolektivnog stanovanja dužnost investitora je da za svaku stambenu ili poslovnu jedinicu obezbijedi odvojeni priključak na komunalnu mrežu.

Odredba člana 37. stav (1) Zakona o komunalnim djelatnostima se odnosi i na poslovne prostore u okviru stambeno-poslovne zgrade (kolektivno stanovanje), a ista se ne može primijeniti na individualne stambene i poslovne prostore.

**III**

Ovo Autentično tumačenje se primjenjuje i važi od dana primjene odredbe zakona za koju se daje autentično tumačenje i isto će se objaviti u „Službenim novinama Zeničko-dobojskog kantona“.

Broj: 01-02-16875 /11  
Datum, 24.06.2011. godine  
Zenica

**PREDSJEDAVALAČI****Miralem Galijašević, s.r.****191.**

Na osnovu člana 158. stav 2. Poslovnika Skupštine Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 12/09, 19/09 i 5/10-isp.), Skupština Zeničko-dobojskog kantona na 8. sjednici, održanoj dana 23.06.2011. godine, donosi :

**Autentično tumačenje**

**člana 133. Zakona o srednjoj školi („Službene novine Zeničko-dobojskog kantona“, broj: 05/04, 20/07 i 19/09)**

**I**

Utvrđuje se Autentično tumačenje člana 133. Zakona o srednjoj školi („Službene novine Zeničko-dobojskog kantona“, broj: 05/04, 20/07 i 19/09).

**II**

Predmetni član odnosi se na proceduru izbora i imenovanja direktora škole, odnosno pitanje trajanja mandata i ponovnog imenovanja direktora na mandat u istoj školi. S obzirom da je u članu 133. u stavu 2. Zakona o srednjoj školi propisano da: „*Po isteku tekućeg mandata isto lice može biti ponovo imenovano za direktora te srednje škole na još jedan mandat*“, a da je u stavu 3., istoga člana propisano da: „*Za direktora srednje škole, ista osoba se ne može imenovati na više od dva uzastopna mandata*“, proizilazi da se u istoj školi, ista osoba, ne može imenovati na više od dva uzastopna mandata.